

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შემდეგ. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ქ. თბილისი

2019 წ.

საჯარო რეესტრის ეროვნული სააგენტო, შემდგომში წოდებული „შემსყიდველად“, წარმოდგენილი სსიპ საჯარო რეესტრის ეროვნული სააგენტოს შესყიდვების სამსახურის უფროსის ვახტანგ შავგულიძის სახით და - - - - - შემდგომში წოდებული „მიმწოდებლად“, წარმოდგენილი - - - - - სახით, ორივე ერთად წოდებული როგორც „მხარეები“, ვმოქმედებთ რა საქართველოს კანონმდებლობის და „სახელმწიფო შესყიდვების შესახებ“ საქართველოს კანონის შესაბამისად, ვდებთ წინამდებარე ხელშეკრულებას:

1. გამოყენებული ტერმინების განმარტებები

ხელშეკრულებაში გამოყენებულ ტერმინებს აქვს შემდეგი მნიშვნელობა:

- 1.1 `ხელშეკრულება სახელმწიფო შესყიდვის შესახებ- (შემდგომში – `ხელშეკრულება-) – შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომელზეც ხელშეკრულებაში არის მინიშნებები.
- 1.2 `ხელშეკრულების ღირებულება- – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3 `დღე-, `კვირა-, `თვე- – კალენდარული დღე, კვირა, თვე.
- 1.4 `შემსყიდველი” – ორგანიზაცია, რომელიც ახორციელებს შესყიდვას.
- 1.5 `მიმწოდებელი” – პირი, რომელიც ახორციელებს საქონლის მიწოდებას ამ ხელშეკრულების ფარგლებში.
- 1.6 `მომსახურება” – ხელშეკრულების მე-2 მუხლით გათვალისწინებული ხელშეკრულების საგანი.
- 1.7 „ინსპექტირება“ – ხელშეკრულების პირობების შესრულების კონტროლი და ზედამხედველობა.

2. ხელშეკრულების საგანი

- 2.1 ხელშეკრულების საგანია ხანძარსაწინააღმდეგო სისტემის ტექნიკური და ცეცხლმაქრების დამუხტვის მომსახურების შესყიდვა (CPV-50413200).
- 2.2 მომსახურების დასახელება და რაოდენობა მოცემულია მიმწოდებლის მიერ წარმოდგენილ ფასთა ცხრილში (დანართი №1 და №2).

3. ხელშეკრულების ღირებულება

- 3.1. ხელშეკრულების ღირებულება შეადგენს ----- (-----) ლარს.
- 3.2. ხელშეკრულების ღირებულება მოიცავს წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს, დღგ-ს ჩათვლით.

4. მხარეთა ვალდებულებები

- 4.1. მიმწოდებელი ვალდებულია:
 - 4.1.1. ხანძარსაწინააღმდეგო სისტემის მომსახურებისას უზრუნველყოს:
 - ა) სახანძრო სიგნალიზაციის/ხანძარქრობის სისტემის გამართულობაზე შემოწმება თვეში ერთხელ, დანართი #1-ის შესაბამისად; ყოველი თვის 20 რიცხვში თბილისში, წმ.ნიკოლოზის/წ.ჩხეიძის ქ.#2-ში; ყოველი თვის 21 რიცხვში თბილისში, და.აღმაშენებლის გამზ.#89/24-ში, ყოველი თვის 22 რიცხვში ლილოს ტერიტორიაზე; ბ) სახანძრო სიგნალიზაციის გამართულობაზე შესაბამისი აქტის გაფორმება;
 - გ) მომსახურების პერიოდში დაზიანებული დეტალის უფასოდ შეკეთება/შეცვლა და უფასოდ მონტაჟი სახანძრო სიგნალიზაციის/ხანძარქრობის სისტემის გამართულობაზე შედგენილი აქტის შედგენის დღიდან გონივრულ ვადაში, მაგრამ არაუმეტეს 3 კანდარული დღისა, ხოლო იმ შემთხვევაში თუ დაზიანებული დეტალი/ნაწილი არ არის საქართველოს ბაზარზე - არაუმეტეს 20 კალენდარული დღის ვადაში;

- დ) გამოძახების შემთხვევაში გამოძახებიდან 3 საათში კვალიფიციური თანამშრომლის ადგილზე მომსახურებას;
- ე) 24 საათის განმავლობაში სატელეფონო კონსულტაციას;
- ვ) საჭიროების შემთხვევაში მომსახურე პერსონალის ტრენინგს სისტემის მოხმარებაზე.
- ზ) პროგრამული უზრუნველყოფის განახლებას შემსყიდველის მოთხოვნიდან 3 (სამი) სამუშაო დღეში, საკუთარი ხარჯებით;
- თ) ყველა მართვის პულტზე შესაბამისი ლიცენზირებული პროგრამატორებით დაერთებას და სრულ მართვას შემსყიდველის მოთხოვნიდან 3 (სამი) სამუშაო დღეში, საკუთარი ხარჯებით;

4.1.2. ცეცხლმაქრის დამუხტვის მომსახურებისას უზრუნველყოს:

- ა) შემსყიდველის მოთხოვნის შესაბამისად დანართ #2-ში მითითებული ცეცხლმაქრის დამუხტვას 5 (ხუთი) სამუშაო დღის ვადაში.
- ბ) დასამუხტი ცეცხლმაქრების გატანა და დამუხტულის უკან დაბრუნება მისამართიდან - წმ.ნიკოლოზის/ნ.ჩხეიძის ქ.#2 (ტრანსპორტირებასთან დაკავშირებული ფასი შედის მომსახურების ღირებულებაში).იმ შემთხვევაში თუ დასამუხტ ცეცხლმაქრს არ გააჩნია გამფრქვევი ძაბრი ან/და მილი მიმწოდებელი ვალდებულია საკუთარი სახსრებით უზრუნველყოს ცეცხლმაქრის შეკეთება მაგრამ არაუმეტეს 60 ერთეულისა.
- გ) ყოველ დამუხტულ ცეცხლმაქრს უნდა გააჩნდეს დათარიღებული სტიკერი გადამუხტვის თარიღით.
- 4.1.3 მომსახურების გაწევის დროს მისი ბრალეულობით წარმოქმნილი ხარვეზი/დაზიანება აღმოფხვრას არაუგვიანეს 3 სამი სამუშაო დღის ვადაში, საკუთარი სახსრებით.
- 4.1.4. იზრუნოს ხანძარსაწინააღმდეგო სისტემის გამართულ ფუნქციონირებაზე ხელშეკრულების ძალაში შესვლის დღიდან 2019 წლის 31 დეკემბრის ჩათვლით. მომსახურების გაწევის პროცესში გაითვალისწინოს შემსყიდველის ყველა მოთხოვნები და შენიშვნები, გაუწიოს მომსახურება სრული მოცულობით ნაკისრი ვალდებულებების საბოლოო შესრულებამდე.
- 4.1.5.მომსახურების გაწევის პერიოდში თუ შესყიდვის ობიექტს გაუჩნდა ხანძარი და დადგინდა რომ ხელშეკრულების ფარგლებში დამუხტული ცეცხლმაქრის ან/და ხანძარსაწინააღმდეგო სისტემის გაუმართაობის გამო ვერ იქნა დამდგარი ფაქტი თავიდან არიდებული მიმწოდებელი ვალდებულია აუნაზღაუროს შემსყიდველს ხანძარისგან მიყენებული ზიანის სრული ოდენობა.
- 4.1.6. განახორციელოს ამ ხელშეკრულებით მასზე დაკისრებული სხვა ვალდებულებები.

4.2. შემსყიდველი ვალდებულია:

- ა) უზრუნველყოს ინსპექტირების განხორციელება;
- ბ) განახორციელოს ამ ხელშეკრულებით მასზე დაკისრებული სხვა ვალდებულებები.

5. ინსპექტირება

- 5.1 შემსყიდველი უფლებამოსილია ჩაატაროს ინსპექტირება, რისთვისაც გამოყოფს უფლებამოსილ პირს/პირებს, ხოლო მიმწოდებელი ვალდებულია ხელი შეუწყოს მას/მათ ინსპექტირების განხორციელების დროს.
- 5.2. შემსყიდველი ორგანიზაციის მიერ ხელშეკრულების შესრულების კონტროლი განხორციელდება პერიოდულად სააგენტოს დაცვის ჯგუფის კოორდინატორის ემილ ასლამაზაშვილის მიერ, როგორც მომსახურების (საქონლის გათვალისწინებით) გაწევის დროს, ისე ამ ხელშეკრულების 10.2 პუნქტით განსაზღვრულ საგარანტიო პერიოდში.
- 5.3 შემსყიდველი ორგანიზაციის უფლებამოსილი წარმომადგენლის (თანამშრომელი(ები), მოწვეული ექსპერტი) მიერ გაწეულ მომსახურებაში წუნის აღმოჩენის შემთხვევაში, მიმწოდებელი ვალდებულია წერილობითი შეტყობინებიდან 3 (სამი) სამუშაო დღის განმავლობაში გამოასწოროს წუნი.
- 5.4. თუ ამ მუხლის 5.3 პუნქტით გათვალისწინებული წუნის აღმოფხვრისათვის დადგენილი ვადა სცილდება საგარანტიო ვადას, მიმწოდებლის მიერ წუნის გამოსწორება უნდა განხორციელდეს საგარანტიო ვადის გასვლამდე.

6. მომსახურების მიღება-ჩაბარების წესი

ყოველთვიურად გაწეული მომსახურების მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით, ინსპექტირების განმახორციელებელი პირის/პირების დადებითი დასკვნის საფუძველზე.

7. ანგარიშსწორება

7.1 ანგარიშსწორება განხორციელდება შემდეგი პირობებით:

ა) ანგარიშსწორების ვალუტა – ლარი;

ბ) ანგარიშსწორების ფორმა – უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

დ) დაფინანსების წყარო: 2019 წლის საკუთარი შემოსავლებით მიღებული სახსრები.

7.2 შემსყიდველი იღებს ვალდებულებას მიმწოდებელს აუნაზღაუროს შემსყიდველი ორგანიზაციის ყოველი მოთხოვნის საფუძველზე გაწეული მომსახურების ღირებულება შესაბამისი მიღება-ჩაბარების აქტის გაფორმებიდან და საგადასახადო ანგარიშ-ფაქტურის წარმოდგენიდან (თუ დღგ-ს გადამხდელია) 10 (ათი) სამუშაო დღის განმავლობაში.

8. ხელშეკრულების შესრულების შეფერხება

8.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუზიაროს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ შესაძლო უმოკლეს ვადაში უნდა აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.

8.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-11 მუხლის შესაბამისად.

9. ხელშეკრულების პირობების შეუსრულებლობა

9.1 წინამდებარე ხელშეკრულების 4.1.1 პუნქტის „ა“, „გ“, „ზ“, „თ“ ქვეპუნქტებით განსაზღვრული ვალდებულების ვადებისა და პირობების დარღვევის შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.3 %-ის ოდენობით.

9.2 წინამდებარე ხელშეკრულების 4.1.1 პუნქტის „დ“ და „ე“ განსაზღვრული მომსახურების მიწოდების ვადებისა და პირობების დარღვევის შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ საათზე ხელშეკრულების ღირებულების 0.03%-ის ოდენობით.

9.3 წინამდებარე ხელშეკრულების 4.1.2 პუნქტის „ა“ ქვეპუნქტით განსაზღვრული მომსახურების მიწოდების ვადებისა და პირობების დარღვევის შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.3 %-ის ოდენობით.

9.4 წინამდებარე ხელშეკრულების 4.1.3 ქვეპუნქტის და 5.3 პუნქტით განსაზღვრული ვალდებულების ვადაგადაცილების შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0.3%-ის ოდენობით.

9.5 მომსახურების გაწევის პერიოდში თუ შესყიდვის ობიექტს გაუჩნდა ხანძარი და დადგინდა რომ ხელშეკრულების ფარგლებში დამუხტული ცეცხლმაქრის ან/და ხანძარსაწინააღმდეგო სისტემის გაუმართაობის გამო ვერ იქნა დამდგარი ფაქტი თავიდან არიდებული მიმწოდებელს ეკისრება პირგასამტეხლო ხანძრისგან მიყენებული ზიანის სრული ოდენობით.

9.6 წინამდებარე ხელშეკრულების მე-7 მუხლით განსაზღვრული გადახდის ვადის ვადაცილების შემთხვევაში, მიმწოდებელი უფლებამოსილია დააკისროს შემსყიდველს პირგასამტეხლო ყოველ ვადაგადაცილებულ დღეზე ხელშეკრულების ღირებულების 0,3%-ის ოდენობით.

9.7 იმ შემთხვევაში, თუ მიმწოდებელზე დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 3 (სამი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს შესაბამისი პირგასამტეხლოს ანაზღაურება.

9.8 პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

10. გარანტია

10.1. შემსრულებლის მიერ გაწეული მომსახურება უნდა იყოს მაღალი ხარისხის და შეესაბამებოდეს შემსყიდველის მოთხოვნებს.

10.2. გადამუხტულ ცეცხლმაქრებზე ვრცელდება გარანტია დამუხტვიდან არანაკლებ -- წელი.

11. ხელშეკრულებაში ცვლილებების შეტანა

11.1 ნებისმიერი ცვლილება წინამდებარე ხელშეკრულებაში განხორციელდება წერილობით, ორივე მხარის უფლებამოსილი წარმომადგენლების ხელმოწერით.

11.2 თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12. დავების გადაწყვეტა

12.1 ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკებების გზით.

12.2 თუ ასეთი მოლაპარაკებების დაწყებიდან 5 (ხუთი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია მიმართოს საქართველოს სასამართლოს კანონით დადგენილი წესით.

13. ხელშეკრულების შეწყვეტა

13.1 თითოეული მხარე უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების ჯეროვან შესრულებას, ან მოქმედი კანონმდებლობით დადგენილ სხვა შემთხვევებში.

13.2 ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს დანარჩენი ვალდებულებების შესრულებისაგან.

13.3 ხელშეკრულება აგრეთვე შეიძლება შეწყდეს მხარეთა წერილობითი შეთანხმების საფუძველზე.

14. ხელშეკრულების მოქმედების ვადა

წინამდებარე ხელშეკრულება ძალაში შედის ხელშეკრულების ხელმოწერის თარიღიდან და მოქმედებს 2020 წლის 31 იანვრის ჩათვლით.

15. ფორს-მაჟორი

15.1 წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.

15.2 ამ მუხლის მიზნებისათვის "ფორს-მაჟორი" ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან, და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საბიუჯეტო ასიგნებების მკვეთრი შემცირებით და სხვა.

15.3 მხარემ, რომელსაც შეექმნა ფორს-მაჟორული გარემოება, დაუყოვნებლივ წერილობით უნდა აცნობოს მეორე მხარეს შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

16. სხვა პირობები

ხელშეკრულება შედგენილია სამი თანაბარი იურიდიული ძალის მქონე ეგზემპლარად, ქართულ ენაზე, აქედან ერთი ეგზემპლარი გადაეცემა მიმწოდებელს, ხოლო ორი – შემსყიდველს.

17. მხარეთა რეკვიზიტები

შემსყიდველი:	მიმწოდებელი:
საჯარო რეესტრის ეროვნული სააგენტო, წარმოდგენილი სააგენტოს შესყიდვების სამსახურის უფროსის ვახტანგ შავგულიძის სახით, მისამართი: ქ. თბილისი, სანაპიროს ქ. №2. ტელეფონი: 291-05-17, საბანკო რეკვიზიტები: ანგ. ხაზინის ერთიანი ანგარიში: №GE24NB0330100200165022, ბანკის კოდი: TRESGE22; სახაზინო კოდი: 707427078 სკ - 202238621 -----	----- წარმოდგენილი სახით, მისამართი: ----- საბანკო რეკვიზიტები: ანგ. №----- , სს -----, კოდი: ----- , სკ ----- -----